

INUIT ATAQATIGIIT

Inatsisartuni



Nuuk ulloq 6. juni 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Minngortuunnguup Atuarfiata iluani tamakkiisumik silaannarissarfiit aaqqiiffigineqarniarnerlutik?**
- 2. Minngortuunnguup Atuarfiata iluani pisatat soorlu nerriviit issiaviit nutaanik taarsersorneqarniarnerlutik?**
- 3. Minngortuunnguup Atuarfiani innarluutilinnik atuartuuteqarnermi / suliaqarnermi atortulersuutininik aaqqiissuteqartoqarniarnerluni?**
- 4. Qeqqata Kommunia peqatigalugu atuarfimmumut aningaasaliissutit kr. 29,7 mio. atunngittoorneqarsimasut Minngortuunnguup Atuarfianut atorneqartussatut oqaloqatiginnissutigineqarniarnerlutik?**

(Inatsisartuni ilaasortaq Villy Olsvig, Inuit Ataqatigiit)

Tunggavilersuutit:

Konto pingaarneq	Sumi	Sul. nr.-a	Suliassap taaguutaa	Nuunneqarsinnaasut
844010	80	50108	Iluars../allanng. Ming. Atuarfia, Sisi miut	29.700.000

Sisimiuni meeqqat atuarfiat (Minngortuunnguup) annertuumik nutarterneqarsimalluni maanna atorluarneqaleriiveqqavoq, taamaattorli atuarfik silataa aammalumi ilua ajunngilluinnarput, kisiannili ininut ataasiakkaanut isernermi maluginiarneqarsinnaasut tassapput pisatat soorlu nerriviit issiaviit pisoqaat atuarfikuusimasumiit nassatarineqaannarnikuusimasut.

Atuarfik pineqartoq annikinnerusumik annertunerusumillu innarluutilinnik aamma atuarfigineqarpoq, kisiannili annertunerusumik innarluutilinnut atortorissaarutaasinnaasuler-sorneqarsimanani.

UPA 2017-mi imm. 8-mi qupperneq 158 aammalu 159-simi konto pingaarneq 80.00.10 Sanaartugassanut Iluarsagassanullu Aningaasaateqarfimmit utertitat (Sanaartornermut aningaasaliissutit) ilaatigut imatut oqaasertaqartinneqarpoq, issuaaneq "Sanaartornermi suliassat matuma kinguliani allassimasut sanaartugaapput naammassereertutut naatsorsuutigineqarsinnaasut, aammalu atuinikinneruneq tunggavigalugu aningaasaliissutinik sinneqartoofiusut. Taamaattumik sanaartukkanit taakkunannga aningaasaliissutit sinnerisa kontomut pingaarnermut matumunnga utertinneqarnissaat, taamaalillunilu kingusinnerusukkut suliassanut allanut atorneqarsinnaanissaat qinnuteqaatigineqarpoq." issuaaneq naavoq.

Takuneqarsinnaavoq Minngortuunnguup Atuarfiani aningaasarpassuarnik atunngittuugaqartoqarsimasoq kr. 29.7 mill, apeqqutaalerporli A,- B- imaluunniit C-overslag-it il il. Qanoq tikkuussisoqarnikuusimanersoq ilumut qulaani taallattiarneqartoq naatsorsuusiornerni ilanngunneqarnikuusimanersut, imaluunniit arlaanik pissute-qartumik atunngitsuusisoqarsimasinnaanersoq.

Ullut suliffiusut qulit qaangiutsinnagit akineqarsinassara kissaatigaara.